

REGJISTRAT E BIZNESIT

2025

Regjistrat e Biznesit përmbajnë të gjitha njësitë ligjore aktive, ndërmarrjet dhe njësitë lokale, sipas aktiviteteve ekonomike dhe madhësisë së ndërmarrjes.

Regjistrat e Biznesit mirëmbahen dhe përditësohen në përputhje me kërkesat e Rregullores së Bashkimit Evropian (BE) 2019/2152 mbi Statistikat Evropiane të Biznesit (EBS), e cila krijon kuadrin ligjor për prodhimin e harmonizuar të këtyre statistikave.

Në fund të vitit 2025, regjistri i njësive ligjore numëron:

- 250.097 njësi ligjore aktive, me një rritje prej 5,1% krahasuar me vitin 2024;
- 112.205 fermerë, me një rritje prej 6,1% krahasuar me vitin 2024;
- 137.892 ndërmarrje ekonomike aktive, me një rritje prej 4,3% krahasuar me vitin 2024.

18.297 ndërmarrje janë regjistruar gjatë vitit 2025, nga 15.970 të regjistruar gjatë vitit 2024

Regjistri i njësive lokale përmban 146.527 njësi lokale aktive, ose 4,0% më shumë se në vitin 2024.

- 136.068 ndërmarrje ushtrojnë aktivitet ekonomik në një vendndodhje;
- 1.824 ndërmarrje ushtrojnë aktivitetin ekonomik në më shumë se një vendndodhje.

Në grupin “Prodhues të të mirave” (Bujqësia, pyjet dhe peshkimi, Industria dhe Ndërtimi sipas NVE Rev.2) operojnë 14,1% e ndërmarrjeve aktive, kundrejt 14,0% në vitin 2024, duke realizuar 31,8% të shitjeve neto.

Në grupin “Prodhues të shërbimeve” (Tregtia, Transporti dhe magazinimi, Akomodimi dhe shërbimi ushqimor, Informacioni dhe komunikacioni dhe Shërbime të tjera sipas NVE Rev.2) operojnë 85,9% e ndërmarrjeve aktive, kundrejt 86,0% në vitin 2024, duke realizuar 68,2% të shitjeve neto.

Ndërmarrjet me pronarë ose bashkëpronarë të huaj zënë 5,0% të ndërmarrjeve aktive dhe punësojnë 12,5% të të punësuarve gjithsej.

Gratë menaxhojnë/zotërojnë 31,6% të ndërmarrjeve aktive gjithsej, krahasuar me 31,4% në vitin 2024. Aktivitetet “Tregti” dhe “Shërbime të tjera” shënon pjesëmarrjen më të lartë të grave në vendimmarrje, respektivisht me 34,3% dhe 41,2%. Ndërmarrjet e drejtuara nga gratë janë kryesisht ndërmarrje me 1- 4 të punësuar.

Ndërmarrjet me 50 e më shumë të punësuar përfaqësojnë 1,5% të totalit të ndërmarrjeve, punësojnë 48,6% të të punësuarve gjithsej, dhe realizojnë 44,8% të totalit vjetor të shitjeve neto.

Metodologjia

Baza ligjore

- Ligj nr. 17/2018 datë 5.4.2018 “Për statistikat zyrtare”;
- Rregullorja e Parlamentit dhe Këshillit Evropian (BE) 2019/2152 e datës 27 nëntor 2019, mbi “Statistikat Evropiane të Biznesit”;
- Ligji nr. 30/2022 datë 24.03.2022 “Për miratimin e Programit të Statistikave Zyrtare 2022-2026”;
- Vendim i Këshillit të Ministrave për “Për miratimin e nomenklaturës së veprimtarive ekonomike të revizionuar (Rev. 2)” Nr. 320 datë 28.5.2014;
- Ligji nr. 115/2014 “Për Ndarjen Administrativo-Territoriale Të Njësive të Qeverisjes Vendore në Republikën E Shqipërisë”
- Ligji nr. 9920 datë 19.5.2008 “Për Procedurat Tatimore në Republikën e Shqipërisë”;
- Ligj nr. 43/2022 datë 21.04.2022 “Për zhvillimin e ndërmarrjeve mikro, të vogla dhe të mesme”;
- Vendim i Këshillit të Ministrave nr. 1037, datë 15.12.2010. “Për zbatimin e nomenklaturës “Shqipëria në 3 (Tri) Rajone NUTS II”, sipas nomenklaturës së njësive territoriale për statistikat (NUTS) 1 , të Bashkimit Evropian;
- Memorandumi i Mirëkuptimit ndërmjet Drejtorisë së Përgjithshme të Tatimeve dhe INSTAT, datë 04.06.2024;
- Memorandumi i Mirëkuptimit ndërmjet Qendrës Kombëtare të Biznesit dhe INSTAT, datë 13.6.2017;
- Udhëzimi i Ministrit të Financave Nr. 19 datë 3.11.2014” Për Zbatimin e Regjimit të veçantë të skemës së kompensimit të prodhuesve bujqësorë për qëllime të Tatimit mbi Vlerën e Shtuar”.
- Vendimi i KM, Nr. 541, datë 29.9.2021 "Për miratimin e nomenklaturës së shteteve dhe të territoreve për statistikat e tregtisë së jashtme të mallrave dhe ndarjen gjeografike për statistikat e tjera të biznesit”.

Variablat kryesore të regjistrave të biznesit

Variablat e identifikimit (NIPT, Forma ligjore, Pronësia, Emri, Adresa, Komunikimi (Tel, Celular, EMail, Web, etj.);

Variablat ekonomikë (Aktiviteti ekonomik kryesor, Madhësia sipas numrit të të punësuarve, Vendndodhja gjeografike, Sektori institucional);

Variablat demografikë (Data e krijimit, Data e mbarimit).

Burimet për përditësimin e variablave

Burime administrative

- Informacioni nga Qendra Kombëtare e Biznesit (QKB);
- Informacioni nga Drejtoria e Përgjithshme e Tatimeve (DPT);
- Skedari i TVSH-së;
- Llogaritë vjetore të ndërmarrjeve.

Burime statistikore

- Anketa Strukturore pranë Ndërmarrjeve, ASN;
- Anketa Tremujore pranë Ndërmarrjeve, ATN;
- Anketa Strukturat Akomoduese”, ASA;
- Anketa të tjera.

Variablat e përditësuar

- Statusi i aktivitetit (aktive ose joaktive);
- Aktiviteti ekonomik kryesor;
- Pronësia
- Madhësia sipas të punësuarve;
- Adresa;
- Bashkia/Qarku
- Variabla të komunikimit (telefon, celular, e-mail etj...).

Përkufizime

Njësia ligjore

Njësia ligjore nuk është direkt njësi statistikore. Njësia ligjore mund të jetë:

- Person juridik, ekzistenca e të cilit njihet nga ligji, pavarësisht nga individët apo institucionet që mund ta zotërojnë apo janë anëtarë në të;
- Person fizik i angazhuar në një aktivitet ekonomik në të drejtën e tij.

Ndërmarrja

Ndërmarrja është: "kombinimi më i vogël i njësive ligjore pra një njësi organizative e cila prodhon të mira apo shërbime dhe ka një farë autonomie në marrjen e vendimeve, veçanërisht për shpërndarjen e burimeve aktuale të saj. Ndërmarrja kryen një ose me shumë aktivitete në një apo më shumë vendndodhje (njësi lokale)".

Marrëdhënia mes një ndërmarrje dhe një njësie ligjore përkufizohet si: "ndërmarrja i korrespondon ose një njësie ligjore ose një kombinimi njësisht ligjore".

Njësia lokale

Njësia lokale është një ndërmarrje apo pjesë e saj (p.sh manufakturë, fabrikë, magazinë, zyrë, minierë apo depo) të ndodhura në zona të identifikuar gjeografikisht. Tek ky apo nga ky vend ushtrohet aktiviteti ekonomik për të cilin – me përjashtim të disa rasteve – punojnë një ose më shumë persona (edhe pse me kohë të reduktuar) për një ndërmarrje të vetme.

Aktiviteti ekonomik i ndërmarrjes bazohet në Nomenklaturën e Veprimtarive Ekonomike NVE Rev.2.

Nomenklatura e Veprimtarive Ekonomike (NVE), është klasifikim në nivel katërshifror i veprimtarive ekonomike të ushtruara nga ndërmarrjet. Kjo nomenklaturë është miratuar me vendim të Këshillit të Ministrave, Nr.320 datë 28.5.2014 dhe është përkthimi dhe përshtatja e Nomenklaturës së Aktiviteteve Ekonomike të Komunitetit Evropian NACE Rev. 2.

Madhësia e ndërmarrjes

Madhësia e ndërmarrjes përcaktohet nga numri i të punësuarve:

- Ndërmarrjet me 1-4 të punësuar klasifikohen si ndërmarrje shumë të vogla;
- Ndërmarrjet me 5-9 të punësuar klasifikohen si ndërmarrje të vogla;

- Ndërmarrjet me 10-49 të punësuar klasifikohen si ndërmarrje të mesme;
- Ndërmarrjet me 50 e më shumë të punësuar klasifikohen si ndërmarrje të mëdha.

Ndarja territoriale në 3 (tri) rajone NUTS II

Organizimi territorial statistikor brenda territorit të Republikës së Shqipërisë përfshin tri rajone bazuar në qarqe:

Rajoni I: Dibër, Durrës, Kukës, Lezhë, Shkodër;

Rajoni II: Elbasan, Tiranë;

Rajoni III: Berat, Fier, Gjirokastrë, Korçë, Vlorë.

Fermerët e regjistruar gjatë vitet të fundit janë pajisur me NIPT dhe i nënshtrohen skemës së kompensimit të prodhuesve bujqësorë për qëllime të TVSH. Fermerët e regjistruar pranë zyrave tatimore zotërojnë personalitet juridik, e si të tillë janë objekt i regjistrit të njësive ligjore që INSTAT mirëmban dhe përditëson.

Shitje neto përfshin totalët e faturuara nga ndërmarrja gjatë periudhës referuese, dhe kjo korrespondon me vlerën totale të shitjeve në tregun e mallrave dhe shërbimeve ndaj të tretëve.

Të punësuarit përfshijnë të gjithë personat që punojnë në ndërmarrje përfshirë pronarët, të punësuarit me pagesë si dhe pjestarët e familjes të papaguar.

Të punësuar me pagë janë të gjithë personat që punojnë drejtpërdrejtë me ndërmarrjen në bazë të kontratës së punës dhe marrin kompensim në formën e pagave, shpërblimeve etj.

Cilësia statistikore

Raporti e cilësisë së regjistrave të biznesit bazohet në konceptin e cilësisë së Sistemit Evropian të Statistikave (ESS) dhe në parimet lidhur me cilësinë e produkteve statistikore sipas Kodit të Praktikës së Statistikave Evropiane.

Të dhënat e publikuara në këtë publikim janë objekt i Politikave të Rishikimit Statistikor, Politikës së Trajtitimit të Gabimeve dhe udhëzimeve të cilësisë së INSTAT-it.

Linqe

<https://www.instat.gov.al/media/9781/garantimi-i-cil%C3%ABsis%C3%AB.pdf>

<https://www.instat.gov.al/media/6556/politika-e-revizionimeve-n%C3%AB-treguesit-makroekonomik%C3%AB.pdf>

<https://www.instat.gov.al/media/9577/politika-e-trajtitimit-te-gabimeve.pdf>